

4

# Disputatio

DE MORBIS FORMAE, SEV  
*- totius substantia:*

QVAM

PRÆSIDE CLARIS-

SIMO VIRO D. ANDREA PLA-

nero: Doctore & Professore Medico: Præce-

ptore suo colendo: pro ingenij tenui-

tate defendere conabi-

tur,

M. IOHANNESHARTMANNVS

*Beier, Francofurtensis.*

Die 5. Martij, in auditorio Medicorum.



T Y B I N G E,

Apud Georgium Gruppenbachium.

ANNO M. D. XICVI.

4

The following is a list of the  
 names of the persons who  
 were present at the  
 meeting held on the  
 21st day of  
 the month of  
 1912.



1.  
T H E S E S

De morbis Formæ, seu totius sub-  
stantiæ.

Q U Æ S T I O.



¶ *Um materiæ & formæ morbi in eo conveniant, quòd verissimis naturalis philosophiæ principijs aduersentur: quærere libet, utri plus in se absurditatis contineant: cùm, ut veritatis & scientiæ, ita falsitatis quoq; & errorum certi sint distinctiq; gradus?*

Thesis I.

*Sicuti absurdã de morbis materiæ opinionem, recentiores medici è pravo ipsius materiæ intellectu conceperunt: describentes scilicet eam, non (uti verè est) substantiam quandam, omni forma, cùm accidentali, tum substantiali destitutam: sed tanquam rem compositam, certis qualitatibus & accidentibus præditam, quibus contra formã ipsam, & nudam partem cuiusq; crasin distinguatur: Ita absurdam quoq; de morbis formæ opinionem, è falsa ejusdem conceptione hausserunt: censentes, formam etiam aliquid corporeum esse, in re & parte similari, subtilius tamen aliquid & tenuius, magisq; divinum ac reconditum, quàm sit crassa illa, corporea & palpabilis materia.*

2. *Sic namq; totam Fernelius substantiam describit. Totius, c. 7. l. 1. patho-  
inquit, substantiæ nomine, & spiritum insitum, & calorem divi-  
num, & facultates, ipsamq; formam complector. Quasi tota rei ali-  
cujus substantia è quatuor diversissimis rebus composita sit & con-  
stituta: primùm è spiritu insito, ceu substantia elementari: deinde è  
divino calore, ceu substantia quadam cœlesti: tertio è facultatibus,  
& δυνάμει partium, tanquam accidentibus: & deniq; ex eo  
quod alias phisici formam appellant.*

3. Nos tribus prioribus, utpote quæ ipsa minimè sunt substantia, omiſſis, ſolam formam ſimplicem ac ſinceram amplectimur quæ neq; ſpiritum, neq; calorem, neq; functiones, neq; ullum aliud accidens ſecum importat, & includit: ut quæ omnia ad materiæ conſortium referri debeant. Præter illa enim omnia, quæ aliàs in ſimilari corpore apparent, eſt aliquid, quod omnium in materiæ præcedentium alterationum finis, omniumq; partis ſimilaris ἐνδὲ γαῶν & priorum determinatio eſt: quod materiæ & craſin continendo, rem totam ſuſtentat: à quo etiam res nomen ſuum & eſſentiam accipit, ut eo permanente, res quoq; permaneat eo verò ſublato, res etiam tollatur: nec amplius verè, id quod ante ea erat, dici poſſit. Unde non immeritò tota rei ſubſtantia appellatur.

4. Quanquam utrumq; principium, materia puta & forma negatione quadam describatur (materia enim quiddam corporeū omnibus tamen accidentibus vacans, eſſe intelligitur: forma ſimiliter negatione omnium, quæ per ſe rei ſimilari ineſſe ſolent, definitur) verè tamen aliquid ſunt in re composita, nec imaginatione tantum noſtra & phantasia ſuſſiſtunt: nec ſic deſcribi debent, quæ materia quidem rei ſit aliquid ipſius rei extra intellectum exiſtentis: forma autem ſit tantum illa ipſa definitio & quidditas re, quæ intellectu percipitur.

5. Ab ipſa materia ſejungitur forma: quod illa ſit aliquid corporeum, hæc verò non. Deinde materia δυνάμεις, forma ἀκτῆς & ἀπεχία; rationem ſuſtinet. Tum materia verè ſubjectum eſt, cum accidentium & motionum, tum ipſius formæ: hæc verò ceu definitio quædam, cauſſa eſt certorum in materia accidentium & ipſi materiæ ineſt, non tanquam accidens in ſubjecto, ſed tanquam perfectio quædam illius, quæ definitione rei (è genere ac differentijs conſlata) in intellectu exprimitur.

6. E quibus liquet, formam & ſubſtantiam cuiusq; partis ſimilari



milaris in humano corpore, non esse externam illam circumscriptionem, vel quantitatis, vel qualitatum, vel aliorum accidentium, quæ in oculos sensusq; nostros incurrunt: sicuti Democritus formam hominis nil aliud esse, quàm ejus figuram censuit: & Empedocles, formam naturamq; in rebus, crasi & mixture elementorum definiuit.

Aristoteles c. 4.  
l. 1. de anima.  
c. 7. l. 1. metaph.  
c. 1. l. 1. de ort.  
& int.

7. Proinde, ut illorum accidentium, quæ  $\pi\alpha\lambda\iota$   $\Phi\upsilon\sigma\iota\kappa$  rei insunt aut inesse possunt, integritas & conseruatio non pertinet ad ipsam rei substantiam: ita neq; eorundem immutatio & deperditio ad substantiam rei debet reuocari: quasi ipsamet forma labem & corruptionem quandam patiatur.

8. Potest quidem vel unum aliquod in parte accidens, propter causas  $\pi\alpha\lambda\iota$   $\Phi\upsilon\sigma\iota\kappa$  incidentes, insigniter immutari: ubi unus tantum est morbus. Possunt etiam plura accidentia mirum in modum depravari: ubi plures connecti morbos certum est. Attamen neuter illorum substantiæ formæ ué dici morbus debet: quamuis periculosus, grauis & insolens nobis appareat: cum vel seorsim ad morbum craseos aut organicum, vel conjunctim ad compositum ex utrisq; referri commodè queat.

9. Nihil enim prohibet, quò minús vel una aliqua similaris partis qualitas prima insigniter alteretur, vel á varijs  $\pi\alpha\lambda\iota$   $\Phi\upsilon\sigma\iota\kappa$  causis, varia quoq; partis accidentia organica, á naturali suo statu plurimum recedant. Tunc sanè (quoniam in leuioribus dyscrasijs morbis ué organicis fieri id non solet) mirificus quidam, & toto genere præter naturam morbus in parte nobis esse uidetur: quem, etiam si non protinus ad aliquod notorum morborum genus reuocare nobis liceat: reuocare tamen illum, diligentiore animi mentisq; ratiocinatione præmissa, possumus.

10. Forma utiq; partis alicujus similaris, in certa & habili materiæ ejusdem crasi subsistit, & conseruatur: quæ si leuiter concutitur, forma tamen ipsa partis (ut quæ substantia sit, & propte-



rea magis vel minus non admittat) labem nullam sustinet. Si vero adhuc magis crasis illa partis immutatur: tunc grauior sanè affectus eam occupat: sed neq; is per se formam (quæ è contrarijs exempta, pati nequit) labefactat. Quòd si è toto crasis in materia partis destruat: tunc morbus non est, sed interitus: qui tamen & ipse non per se ad formam, ceu simplex principium, reuocari debet, cum totius potius compositi sit proprius.

11. Licet materia & forma in eo conueniunt, quòd utraq; sua pte natura, quatenus per se consideratur, sit ἀπαθής, & nec ortui, nec interitui, nec alijs perpeſſionibus obnoxia: (sunt enim simplicia, quæ magis & minus, adeoq; omnem ἀσυνμετρίαν penitus excludunt) in eo tamen differunt, quòd materia perpeſſionibus, varijsq; alterationibus subijciatur, propter inherentes sibi in composito qualitates, quarum causâ magis & minus recipit, atq; ἀσυνμετρίαν admittit: forma autem non solùm è sua natura affectiones & perpeſſiones respuit: sed ijs etiam ne subijci quidem ullo modo potest.

12. Porrò differunt in rebus mistis qualitatatum exsuperantia, & ipsum temperamentum. Quo fit, ut sæpe res quædam easdem exsuperantes habeant qualitates: quæ tamen ipsæ, quia diuersæ sunt, diuersum omnino temperamentum habent. Et quia sic separari à se inuicem possunt temperamentum & exsuperantia certæ qualitatis: liquet fieri posse, ut alia sint, quæ vel conseruare, vel destruere ac corrumpere temperamentum, aut certæ qualitatis exsuperantiam possint.

13. Simile quidem conseruatur simili: & contrarium destruit contrarium. At agendi & patiendi vis, non tantùm exsuperantijs qualitatatum primarum, sed in genere omnibus qualitatibus, quæ in rei temperamento reperiuntur, est concessa. Vt ergo naturalis calor conseruatur calidis: ἢ ἂν ὅμοιον αὐτὸν si in parte similari fuerit, contrarijs destruitur: ita naturale partis temperamentum, rebus simili  
lem fer



lem ferè temperiem habentibus conservatur, contraria autem crassi præditis, destruitur ac corrumpitur.

14. Similitudinem temperamentorum non eo modo definimus, quasi talia partibus conservandis sint adhibenda, quæ similem cum illis temperaturam obtineant: (cùm talis crasis non similitudo nulla in rebus detur: utpote quæ tantum temperamentis, quantum formis, à se discrepent) sed actione & passione: quia videlicet agentes partis conservandæ qualitates, in agentes medicamentorum vel alimentorum qualitates agunt (singulæ in sibi oppositas) & sic illas vincere & superare commodè valent: similiter quòd patientes rerum adhibitarum qualitates, à patientibus partis conservandæ qualitatibus vinci facile ac superari se patiuntur.

15. Tali actione, in qua victoria est penes partem conservandam, temperamentum ejus conservatur: cùm non solum  $\kappa\epsilon\iota$  &  $\Phi\upsilon\sigma$  in ea exsuperans qualitas non frangatur, sed etiam reliquæ qualitates primæ ac secundæ (quæ ad ejus temperamentum pertinent) custodiantur. Quoniam enim singulæ partis conservandæ qualitates, in sibi oppositas medicamentorum vel alimentorum qualitates agunt, illasq; vincunt ac superant: fit, ut temperamentum ejus conservetur, & nullam planè mutationem sentiat: cujus privatione & negatione scilicet conservatio existit.

16. Sin verò agentes partium nostri corporis qualitates, in medicamentorum, vel rerum adhibendarum oppositas, non facile agere possunt, sed ab his potiùs superantur: ac similiter materiales medicamentorum & rerum adhibitarum qualitates, non vincuntur à materialibus partium qualitatibus, sed illas vincunt & superant: Tunc hujusmodi victoriá contrarietatem rerum definimus: quæ rectè dicere licet, hæc vel illa medicamenta,  $\kappa\rho\iota\sigma\iota\varsigma$  seu totá substantiá partibus esse contraria, & ob id eas destruere ac corrumpere: sicuti priora totá substantiá existebant similia, partesq; ipsas conservabant.

17. Sed



17. Sed aliter excedentem tantum in partibus qualitatem, si  
 ☞ Φύσις fuerit, conservamus: aut, si eadem πρὸς Φύσιν existi-  
 terit, destruimus. Qualitas enim naturalis, in ὑγιανῆ medicina  
 parte, similis qualitatis accessione conservatur, vel etiam augetur  
 & intenditur: unde vulgatum illud, simili simile conservari, mana-  
 vit. Excedens verò πρὸς Φύσιν qualitas, in βεραπύλιον parte  
 contrarijs destruitur: quia ratione apud medicos celebre est, con-  
 traria contrariorum esse remedia.

aph. 22. sect. 2.

6.1. de sensu.

18. Insuper motiones & alterationes, quæ à qualitatibus exci-  
 tantur, & in certis rebus subjectis recipiuntur, aliæ subito, confer-  
 tim, & é toto fiunt: aliæ verò sensim, lentè, paullatim, & quasi per  
 partes ac vices, seu gradus, tempore etiam distinctos. Hac ratione  
 totam aquam simul, non unam ejus partem prius, aliam posteriù  
 congelari experimur. Hypocaustum verò amplum partitè calefie-  
 ri observamus: cum primùm fornax ab igne incalascit, qui vicin-  
 num aërem calefacit, hic item proximum, donec toti spacio calo-  
 sit impertitus.

19. Hujus diversitatis alterationum causa est, non tantum  
 ☞ πλὴν ἢ ὀλίγοις rei mobilis: sed aliæ etiam causæ in ipso moven-  
 te assignari possunt. Alias enim vis & efficacia ipsius major m-  
 norve h. e. vehementior aut remissior apprehenditur: interdum  
 quoq; movendi virtus simplex & unica, aut composita & multi-  
 plex existit.

20. Si namq; moventis causæ magna vis existiterit: tunc  
 confestim patiens idoneum movet & alterat: sicuti hoc in exsup-  
 rantibus etiam sensilibus videre licet, quæ λόγος & ἀερόπις  
 τῶν αἰσθητικῶν subito perimunt & destruunt. Simili ergo rati-  
 one vehementissimus rei moventis calor, aut intensum frigus, su-  
 to, & confestim dyscrasiam frigidam aut calidam (& hinc etia  
 nonnunquam mortem) partibus nostris inducunt: quam remissa  
 calor, leviusve frigus, non nisi longiore tempore, & per part-

excita



excitare potuissent. Hoc etiam modo venena qualitatibus excellentia, eorumque alexipharmaca, differunt ab alijs causis, qualitate sua remissius nos moventibus & afficientibus.

21. Omnes autem alterationes, siue subito, siue paulatim existant, in eo conveniunt, quod moventium qualitas (cujus ratione alteratio describitur) tam occulta, quam manifesta, in oppositam rei mobilis qualitatem agit. Aut, si qualitati causae moventis, nulla speciatim in mobili qualitas opponatur: illa saltem in eam, quae proximè ad patiendum habilis est, agit: cum agentes omnino cum patientibus, similiter patientes cum patientibus, convenientiam quandam habere videantur. Hinc occultae & abstrusae etiam moventium qualitates, nostra in corpora (etiam si his nulla qualitas, in specie illis opposita, insit) agere possunt.

22. Proinde si qualitas mobilis minimum ad resistendum habeat virium: sed qualitas causae moventis, siue manifesta sit, siue occulta, vi polleat maxima: Tum subito actione ista & passione motio excitatur. Sin autem infirmior sit qualitatis moventis vis & efficacia, sic ut remissius in sibi oppositam rei mobilis qualitatem agat: aut haec plus ad resistendum habeat ponderis & momenti: tunc utique paulatim & per partes in mobili subjecto κίνησις & Μόλιως oboritur.

23. Quae modo diximus de vehementia aut remissione qualitatis moventis: eadem ad virtutem quoque motricem simplicem & oppositam transferri debent. Alias namque virtus causae moventis est simplex: ut cum id, quod corpori nostro occurrit, unica qualitate vincente, calore nimirum aut frigore, in nos agit: & vicissim, una solum in corpore nostro qualitas opposita, ab eadem patitur. Tunc enim, caeteris paribus, lentè & paulatim corpus nostrum afficitur & alteratur.

24. Interdum verò movens causa, quae parti alicui incidit, composita est, & multas ad movendum vires in se continet: ut si

B

aër non



aër non solum causá caloris, sed etiam ratione humiditatis, imo etiam propter malignã quandam & pestilentem, qua pollutus est qualitatem, corpus nostrum afficit. Tunc profectó (si huiusmodi movens, respectu omnium suarum virium, excellentem & æqualem habeat movendi potentiam: ei veró minimúm corpus nostrum resistere valeat) subitó excitatur ἀλλοίωσις, quã nostrum corpus destruitur. Sic enim venena reperiuntur, quæ subitó nos inficiunt & interimunt: quibus opponuntur alexipharmaca, quæ subitó á qualitatibus corporis nostri oppositis vincuntur & superantur.

25. Si remissior sit huiusmodi causse moventis efficacia, & ipsius vires non æqualem ad movendum potentiam habeant: aut illa pars nostri corporis magis resistere valeat: Tunc utiq; tardiús & non tam citó alteratio in eadem excitatur. Qua ratione venena quaedam, prioribus quasi opposita, non subitó, sed longiore omnino tempore & paullatim nos enecant atq; conficiunt.

26. Cæterúm his principiorum loco præsuppositis, antequam argumentorũ, quæ pro totius substantiæ morbis afferuntur, confirmationem suscipiamus, distinctio hæc, é sententia recentiorum observanda: Quod nimirum proprii & peculiare formæ morbi, á vitij materiæ aut craseos, non tantúm ratione, sed etiam subjecto sunt separabiles: cum morbi materiæ aut craseos, non necessarió morbum formæ conjunctum habeant: nec morbus formæ, vitia materiæ aut temperamenti præsupponat: sed seorsim tria isthæc morborum genera consistere possint. Et licet ita interdum coincidant, una eademq; pars non dyscrasiá tantúm laboret, sed etiam materiæ formæq; morbo conflictetur: vitium tamen formæ proprium reliquis omnino distinguendum fuerit: quoniam & peculiari ratione partis Ægyptiæ labefactat, & diversum á reliquis duobus curandi modum requirit.

27. Primúm (ajunt adversarij) rationi consentaneum videtur,



ur, ut formæ proprios morbos constituamus: quoniam ipsa etiam forma naturâ partis complet, imò sola perfectio & integritas est, qua res unaquæq; consistit: (materia .n. & crasis, quæ ipsa quoq; in parte simili reperiuntur, longè ignobiliores sunt, cùm essentiam rei non constituent) Vnde si caussæ πρὸς Φύσιν incidentes, vehementius hanc affligunt & dimovent: certè decessio talis, meritò totius substantiæ morbus appellari debet: quoniam res ipsa, & pars similis tota continuò frangitur & immutatur: quod non ita evidenter fieri solet, si materia solùm aut temperamentum ejusdem de naturali suo statu decedit.

28. Aliàs Aristoteles dicit, principijs immutatis, insignem mutationem consequi: quæ non eveniat, si leviora quædam mutationem sustineant. Veluti si quid in clavo intempestivè & importunè cõmutatur, magna sequitur in prora mutatio. At formâ partis, qua substantia ipsius consistit, principium esse: non solùm è philosophia, sed etiã ex ijs, quæ paullò suprà de forma diximus, est manifestum.

c. 2. l. 8. hist.

c. 2. l. 1. gen. anim.

c. 4. l. 3. de part.

c. 5. l. de motu animal.

29. Iam quòd longè graviores insignioresq; mutationes & morbi accidant partibus similaribus, si ipsamet forma illarum periclitetur, quàm si sola crasis aut materia earum perpeffionem sentiat: ipsa etiam magistra rerum experientia testatur: quâ constat, morbos illos totius substantiæ periculosos admodum esse, & citius mortem interitumq; afferre, quàm reliqua crases aut materiæ vitia ac παθήματα.

30. Ac sicuti materiæ & crases vitia aliàs leviora sunt, quæ interitum non afferunt, sed morbo tantùm partem affligunt: aliàs autem vehementia admodum, quibus mors partis caussatur: Ita etiam motus isti πρὸς Φύσιν, qui primùm & per se ipsam formam occupant, duplices sunt: perfectio enim ac integritas, qua res unaquæq; consistit, aliàs è toto immutatur, & de perfectione sua decedit, ubi morbus non est, sed perfecta consummataq; ejus corruptio sive interitus.



31. Quando autem decessio illa integritatis rei de optimo statu nondum plané est confirmata (veluti si quis fundamentum domus concutiat quidem, ut domus ruinam minetur & tremat: non veró plané illud demoliatur, ut subitó domus concidat & collabatur) tunc sané decessio ista ab optimo statu, substantiæ morbus & corruptela, non veró (quoniam ultimum terminum non attigit) ipse interitus & omnimoda corruptio seu mors appellari solet. Hinc gangræna morbus substantiæ appellari potest, cum sit imperfecta corruptio substantiæ: sphacelus veró interitus, cum substantiæ sit corruptio, ad exitum iam deducta.

32. Et quia morbus totius substantiæ, secundum Ferneliū, est corruptio imperfecta, hæc veró vel cum putredine, vel sine putredine esse potest: Ideo morborum totius substantiæ duæ generales sunt & communissimæ differentiæ, nempe Corruptio simplex, & Putredo: ad quas reliquæ, á causis efficientibus petita differentiæ, revocari commodé possunt.

33. Forma cujusq; rei substantialis, est quidem principium, sed non tale, quale sunt testes, cor, aut reliqua ejus generis composita, de quibus locutus est Aristoteles in locis antea citatis: nec est tale aliquid ὑλικόν, cui tota rei substantia innititur, tanquam domus fundamento, aut clavo proci: sed simplex est principium, quod, ob naturam omnis mixtionis expertem, nec intendi potest, nec remitti. Sicut igitur ipsa forma nullam prorsus mutationem sustinere potest: sic neq; ea ratione causa efficitur mutationis & affectionis, vel minimæ, in re parte vé illa, cujus principium & forma existit: contra quam se res habet in alijs principijs, quæ ex Aristotele sunt prolata.

34. Deinde, ut aliquid capax sit & δεικνόν sanitatis vel morbi, non est per se causa nobilior aut ignobilior, quod in parte similari reperitur: sed συμμετρία vel ἀσυμμετρία in corpore tali, quod animatam κίνησιν exercere potest. Quare, ut maximé



recipuum & præclarissimum in parte similari sit ipsa forma, quæ  
 materiam & crasin ejusdem longo post se intervallo relinquit: non  
 amen rite inde concluditur, si posteriora hæc, ceu res levioris mo-  
 menti, sanitatem & ægritudinem admittunt, ideo multo magis his  
 habitibus ipsam formam, ceu eminentius principium, obnoxiam  
 ore.

35. Temperamentum enim (secundo modo) & materia (quar-  
 to modo per se)  $\sigma\upsilon\mu\mu\epsilon\tau\epsilon\tau\epsilon\iota\alpha$  &  $\alpha\sigma\upsilon\mu\mu\epsilon\tau\epsilon\tau\epsilon\iota\alpha$  recipiunt: unde, pro-  
 pter illam quidem, sanitatem: propter hanc verò, omnis generis  
 morbos & affectiones admittunt. Forma autem omnino &  $\sigma\upsilon\mu\mu\epsilon\tau\epsilon\tau\epsilon\iota\alpha$   
 &  $\alpha\sigma\upsilon\mu\mu\epsilon\tau\epsilon\tau\epsilon\iota\alpha$  excludit: cum sit aliquid prorsus indivi-  
 dum, &  $\acute{o}\lambda\omega\varsigma \acute{o}\lambda\omicron\upsilon$ , cui nulla intensio aut remissio ascribi potest.

36. E quo sequitur, Fernesium non rectè distinxisse corruptio-  
 nem & interitum partis ab ejusdem morbo, quem totius substan-  
 tiæ appellat: quòd interitus perfecta sit formæ destructio, morbus  
 autem ejusdem diminutio solùm & imperfecta labefactatio. Non  
 enim forma sic è parte de naturali suo statu decedere, & alia è par-  
 te manere potest: sed simpliciter vel statum suum naturalem inte-  
 re retinet, vel è toto amittit: quemadmodum & punctum vel è  
 loco attingimus, vel omnino ab ejusdem contactu aberramus, ut  
 sicubi scribit philosophus.

37. Motiones etiam illæ, quibus forma vel ad naturalem sta-  
 tum paullatim transfertur, sic, ut antea non existens, subito esse in-  
 cipiat (quod scilicet fit per rei generationem) vel quibus de natu-  
 rali statu paullatim deturbatur, ut ipsa antea existens, subito post  
 se desinat: illæ, inquam, motiones formam non contingunt, sed ma-  
 teriæ sunt duntaxat præparationes &  $\acute{\alpha}\lambda\lambda\omicron\iota\omega\sigma\iota\varsigma$ ,  $\gamma\acute{\epsilon}\nu\epsilon\sigma\iota\mu$  vel  
 $\theta\omicron\rho\sigma\alpha\upsilon$  præcedentes.

38. Atque talium alterationum & præparationum materiæ,  
 quæ ad introducendam formam adhuc respiciunt, finis & extre-  
 mum est ipsa forma. Reliquarum alterationum, quæ, formam cor-



pori jam inducta, in materia ejus oboriuntur, si naturales sint, finis est habitus ille, qui sanitas dicitur: si præter naturam existant, aut nondum tales quæ rei substantiam penitus dissolvant, finis est morbus: sin formam prorsus excutiant, interitus & corruptio.

39. Sicuti alterationes istæ πρὸ φύσιν, quæ in materia similis partis oboriuntur, aliæ vehementiores sunt, quibus plus inest virium mutandi, aliæ leviores, quibus minus: Sic habitus etiam seu διαθέσις morbida, quæ illas finiunt & determinant, aliæ graviores, aliæ leviores existunt. Unde etiam accidit, morbos alios citius interitum afferre, magisq; periculosos esse, alios verò minus.

40. Cujuscunq; autem sint modi & conditionis, cum alterationes ipsæ πρὸ φύσιν, tum earum διαθέσις, tanquam fines & ἔργα: certè subjectum illarum non est, nisi materia cum temperamento: & nequaquam forma, quæ ab ijs labefactari nullo modo potest. Quemadmodum neq; clarissimum solis lumen per se alterari aut contaminari potest: etiamsi aër, in quo solis lumen resplendet, multis sit corruptus & inquinatus, cum simplicibus tum malignis qualitatibus.

41. Deinde recentioribus medicis necessarium esse videtur si simplices quatuor elementorum qualitates viribus præditæ sunt rerum formas atq; substantias multò præstantioribus excellere. Et sic statuunt partis formam suis quibusdam peculiaribus viribus ceu dotibus quibusdam, insignitam esse: quæ tam à temperamento non prodierint, quàm ipsa etiam forma, non à temperamento, & qualitatibus elementorum, sed à diviniore principio (nimirum semine, aut ipso potius cœlesti corpore, ut opinantur) suam traxerit originem.

42. Hinc Fernelius in parte similari tria actionum genera statuit: actiones scilicet materiæ, craseos, & ipsius formæ. Et singula hæc genera ἀδυναμία, primùm & per se proprijs suis morbis laedi ac diminui credit: materiæ scilicet actiones, à morbo

materia



materia: craseos, á dyscrasijs: formæ deniq; αἰεργίας, á morbis totius substantiæ. Quamvis interim ex accidente cujuslibet illorum primum gravioribus vitijs, alterius quoq; actiones perturbari posse, non ita inficias.

43. Missis in præsentia materiæ & temperamenti actionibus (ut quæ é præcedente nostra disputatione cognosci possint) formæ αἰεργίας constituunt, nutrimenti attractiones, retentiones concoctiones, & recrementorum expulsiones: suas singulis partibus similibus proprias. Ut enim struthiocamelus non elementorum calore, nõ insito temperamēto, sed totius essentiæ naturá ferrū cōcoquit, quod leo, animal longé calidius, conficere nequit: ita etiam (ex illorum sententia) quæcunq; in nobis sunt partes, coctionem, nutritionem, & harum administras functiones, quemadmodum sensum quoq; ac motum, & totius, substantiæ obeunt & exercent.

44. Et, cum tria sint αἰεργίωρ in humano corpore generationes nimirum naturales, sensitivæ, & practicæ: hæc veró omnia (ut recentioribus illis placet) á forma promanent: Vtiq; omnium αἰεργίωρ forma erit caussa: & nullus communissimis naturæ instrumentis, primis videlicet qualitatibus, locus relinquetur: quibus tamen omnes magno in mundo effectus passim in philosophia resoluit, & explicat Aristoteles.

45. Verúmenim veró non omnis penitus vis, agendiq; facultas qualitatibus adimi videtur. Etsi enim hæ non principaliter, ut forma: attamen ut οὐραϊκά, αἰεργίας producere dicuntur. Quemadmodum etiam videmus, ab operibus artificiosis non excludi instrumenta, aut qualitates, quibus artifices ad effectum producendum utuntur: etiamsi ipsum artificem per se & primario artificiorum opus efficere dicamus.

46. Sed inter utriusq; generis effectus, imó inter ipsum artificem & formam, ceu naturam, hoc est discriminen: quód artifex ipse per se, distinctam á qualitatibus aut instrumentorum motu exercet



exercet  $\epsilon\acute{\iota}\epsilon\rho\gamma\epsilon\alpha\chi\rho$ , qualitates miscendo & contemperando, ac instrumenta secundum artis suæ præscriptum mouendo atq; tractando. Forma autem in partibus ne hoc quidem modo operi manus ammoveat, & actiuosa existit: cum etiam  $\chi\alpha\lambda\epsilon\pi\acute{o}\rho$  sit  $\pi\lambda\acute{\alpha}\sigma\alpha\iota$ , quomodo ipsa per se forma aliquid agat.

47. Fingere autem formam peculiare quasdam facultates cœlitus quasi in corpus secum importare, quibus certas in partibus similaribus actiones obeat: perinde est, ac si quis statuatur, formam mercatorem aliquem esse, qui, varijs pretiosis gemmis & auro onustus, ad nundinas Francofurtenses proficiscatur, & omnia illa secum deferat, nec ea imponat a sinis suis, aut vehenda equis committat. Sanè, quæ id facilitate simpliciter asseritur: eadem quoque simpliciter refutari potest.

48. Neq; ipsæ qualitates vires alias habent congenitas, præter primas, quibus definiuntur: reliquæ etenim facultates è primarum mixture exsurgunt & excitantur. Forma autem, ceu simplex principium, neq; cum materia sua, neq; cum qualitatibus huic inherentibus misceri potest. Vnde, ex adventu formæ, nullæ de novo in corpus facultates inferuntur: neq; forma in se nobiles &  $\alpha\acute{\epsilon}\rho$   $\epsilon\acute{\iota}\tau\epsilon$ ;  $\delta\omega\acute{\alpha}\mu\epsilon\alpha$ ; habet reconditas: quemadmodum alijs rebus quibusdam mistis, etiam minimis, vires tamen inesse maximas conspicimus.

49. Præterea ferrum exterere struthiocamelum, quod ne lequidem calidissimus conficere possit: non evincit  $\epsilon\acute{\iota}\epsilon\rho\gamma\epsilon\alpha\chi\rho$  illud ab ipsa forma excitari. Non minus enim proprio temperamento struthiocamelus ferrum coquit, quàm homo panem, equus fœnum, asinus sarmenta, gallinæ araneas & vermes. Deinde, leo & struthiocamelus tam temperamento, quàm formâ differunt. Tum, licet calor certus, in tali temperamento aliquid conficere nequeat: non tamen absurdum est, vel similem, vel etiam remissionem calorem in alio temperamento id coquere posse: præsertim, cum certæ qu-

Gal. 1. de sem.  
l. 3. & 6. de loc.  
aff.

lita



litas exsuperantiam, totumq; temperamentum, haud idem esse, supra ostenderimus.

50. Quod si naturales similarium partium actiones, temperamenti mutatione laedi, aut rursus alijs crasibus juvari possunt: quemadmodum hoc fieri Galenus docet) necessario certé á temperamenti ejusmodi actiones, & non ab ipsis formis prodierunt: l. 3. de caus. sympt.  
 aliás enim mutatio craseos naturales illas  $\psi\epsilon\gamma\epsilon\alpha\varsigma$  non immutaret, nisi admodum valida esset & excellens. Quod autem sensitivæ & practicæ quoq;  $\psi\epsilon\gamma\epsilon\alpha\varsigma$  beneficio craseos illarum partium exerceantur, plurimis in locis docet Aristoteles.

51. Deniq; á diversitate caussarum alterantium, & ipsa curandiratione, formæ morbi propugnari solent. Si enim sunt lædentia, quæ á tota substantia lædere possunt: certé læsiones etiam, id est, morbi totius substantiæ esse videntur. Talia veró lædentia in rebus natura existere, é Galeno confirmatur: qui alicubi qualitates c. 2. l. 2. ad Glauc.  
 alienas virtutem dissolvere asserit. Hujusmodi ergo alterantia, ut á tota substantia alterant: ita morbum etiam totius substantiæ, nempe virtutis dissolutionem, & formæ corruptelam, inferunt.

52. Et alibi medicamenta idem autor sic distinguit: quod alia c. 1. l. 5. simp.  
 sint, quæ alterent qualitate vel simplici, vel composita, alia veró totá substantiá: ad quam posteriorem classsem omnia lethalia & deleteria, item alexiteria & purgantia, atq; etiam quædam attrahentia refert. Quod si ergo (inquit Argenterius) medicamenta nonnulla tradit Galenus, quæ á tota substantia, seu tota natura (non ob suas evidentes qualitates) corporis similaris mala procellunt: cur non eodem quoq; in corpore mala statueremus, quibus illa mederi possint & soleant? Aliás enim frustra erit excogitatum, alterius hæc esse naturæ, quám ea, quorum effectus ad manifestas, primasq; qualitates reducuntur.

53. Nos, licet formæ morbos omnino negemus: distinctionem tamen medicamentorum Galeni haudquaquam vanam esse arbitramur.



tramur. Per primas enim qualitates certarum tantum primarum  
 qualitarum exsuperantia: per totam vero substantiam, cum pri-  
 ma, tum secundae qualitates, quae in temperamento materiae rei in-  
 sunt, intelliguntur. Actio igitur, quae ex omnibus craseos qualitatibus  
 prodit, a tota provenire dicitur substantia: quoniam scilicet  
 tota rei nihil aliud, quam ipsa temperatura, Galeno & alijs medi-  
 cis esse videtur.

54. Interdum a tota substantia quaedam agere dicuntur: non  
 quod omnes qualitates in oppositas mobilis qualitates agant: sed  
 quod e commistione primarum & secundarum qualitarum, seu  
 toto rei illius temperamento, certa quaedam & mirifica qualitas  
 emerferit, quae huic soli, nulli alij rei conveniat: cum videlicet nullo  
 la etiam alia res praeter unicam illam, ejusmodi qualitarum om-  
 nium in materia temperiem e toto sit sortita. Huc proinde omnes  
 istos yuxta reuocandae sunt: quibus res non minus, quam ipse  
 formis substantialibus, dissident.

com. 4. l. 2. de  
 nat. hum.

c. 85. art. par.

55. Quod Galenus quodam in loco scribit, morbidam illam aë-  
 ris excretionem, quam communem popularium morborum causam  
 constituit Hippocrates, nihil aliud esse quam exhalationem  
 quae proprietate totius substantiae potius, quam simplici qualitate  
 corpora infestet: (unde & alibi, aërem non primis tantum qualita-  
 tibus, sed in tota substantia alterari, ait) id non evincit, ista proci-  
 nus ab ipsa forma evenire: cum propter insignem quandam nobis  
 occultam qualitatem, e primarum crasi in ipso aëre excitatam  
 fieri possint.

56. Neque enim tenuitas solum, crassities, durities, mollities, &  
 reliquae secundae nobis cognitae qualitates, illarum mistione nascun-  
 tur: sed plures aliae occultae & ineffabiles inde existunt: quarum  
 aliae simpliciter & paulatim, aliae autem maligne ac subito pa-  
 tientia corpora alterare, & afficere possunt. Unde, quod ad aë-  
 rem attinet, libenter sane concedimus illum interdum a causis

πρὸς τὴν



ἢ αὐτοῖς, grauiter admodum alterari, & malignas qualitates  
 concipere: qua ratione postea νοσθεῖς illa ἀπόγειοις, mirabili modo  
 corpora nostra afficere queat: quemadmodū humores etiā ipsi, in no-  
 stro corpore cōtenti, mirabiles corruptionū species cōcipere possunt.

57. Sed hæc, ut vera sint, non tamen ad aëris vel humorum for-  
 nam pertinent. Aër siquidem non ratione formæ suæ mutatur  
 (aliās aër esse desineret) sed tantūm quoad crasin, quandam susti-  
 net affectionem: & sic temperamenti affecti ratione, similiter cor-  
 poris nostri solam crasin, non verò ipsam formam primūm & per se  
 abefactat.

58. Hac distinctione animaduersa: sequens etiam Fernelij ar-  
 gumentum dissolvi potest & facillimè. Is enim ea, quæ à tota agunt  
 substantia, non in corporis nostri qualitates, sed in ipsam substan-  
 tiam, primūm & per se agere statuit. Cū enim actio & passio tan-  
 tūm sint inter contraria, sub eodem genere posita: qualitates autem  
 substantijs non repugnent: Colligit, substantiam in qualitates pri-  
 mūm & per se agere non posse, nec contrā: sed, ut qualitates solas  
 qualitates afficiunt, ita totam quoq; substantiam duntaxat corpo-  
 ris nostri substantiam afficere.

59. Asserimus namq; & ea, quæ ab uniuersa substantia age-  
 re dicuntur, causā qualitatum agere: nec ipsam corporis nostri for-  
 nam & propriam substantiam, sed contrariè sibi oppositas (aut  
 certè vicinas) qualitates, oppugnare. Quomodo enim substantiæ,  
 quæ contrarietatem nullam admittunt, in se in vicem agere pote-  
 unt? Duone contrariorum agentium & patientium genera consti-  
 tuenda erunt, substantiarum alterum, alterum verò qualitatum?  
 Sanè nimium mollis hæc & ad libidinem conficta videtur opinio:  
 quā philosophi qui vis præstantissimi solis qualitatibus, ceu com-  
 munibus naturæ instrumentis, omnem agendi vim & contrarieta-  
 tem ascribant: & substantias, quatenus substantiæ sunt, nec agere  
 nec pati à se in vicem posse, doceant.



60. Quod si ergo nulla sunt, quæ tota substantia (prouti non verè & propriè totam substantiam & formam cum philosophis accipimus) nos offendunt: (sicuti nulla talia esse, satis est ostensum) sequitur profectò, nunquam corporis nostri totam substantiam mutari: neq; in nobis, tum Hippocratis, tum Galeni sententiâ, quodam totius substantiæ morbos generari.

61. Porrò Fernelius morbum totius substantiæ, qui putredinem junctam habet, sic etiam è curandi diversitate, ab intemperiebus sejungere conatur. Longè enim aliter (inquit) intemperiebus quæ sine putredine est, quàm quæ sociam habet putredinem, curare oportet. Cùm namq; in ardente febre humores computruisse dicimus: non solùm intelligimus illos vehementer incaluisse, ut solo accurationem refrigerio sit opus: sed præter calorem aliud vitium, idque gravius, animo concipimus, quod solis refrigerantibus emendari non potest, sed vacuari indiget, & è corpore procul amandari. Quo nomine Galenus etiam duo præcipua curationis febrium putridarum capita,  $\kappa\epsilon\nu\omega\sigma\tau\eta$  nimirum &  $\alpha\lambda\mu\omicron\iota\omega\sigma\tau\eta$ , describit.

c. 89. art. par.

62. In partibus singulis, intemperiei atq; putredinis conspectus sese offert discrimen. Nemo quippe pulmones, lienem, vel jejunum cur incaluisse, idem esse dicat, atq; computruisse: cùm intemperata illa minimè, putrida verò, facile oculorũ judicio in dissecto cadaveris animadvertere liceat. Aliam ergo in priore, & aliã in posteriore casu curandi rationem instituimus. Veluti etiam membrum inflammatum refrigerando persanamus: putridum & sphacelatum non item, sed præcidendum id exstirpandumq; est: nam omnino præter naturam cùm sit, sese auferendum indicat.

63. Similiter (inquit Argenterius) contra febres pestilentes morbum gallicum, & alios qui maligni morbi dicuntur, quos item venena toto genere lethalia concitant: non calidis, frigidis, humidis, & siccis, sed ijs quæ totã agunt substantiã pugnamus. Sicuti reliquos etiam totius substantiæ morbos, sine putredine existentes

aliter



aliter quàm simplices dyscrasias curamus: quod in singulis per inductionem facile posset confirmari.

64. Veruntamen, quod ad putredinem, aut aliam quamcunq; humorum corruptionem, quæ cum morbis intemperiei nonnunquam copulatur, attinet: dicimus, illã non tam morbum esse, quàm causam morbi & intemperiei, sicuti etiam quandoq; ejusdem Symptoma. Unde, quemadmodum in alijs morbis manifestis, qui cum suis causis consistunt, alia sunt adhibenda morbis, & alia causis: nec tamen causæ pro peculiari specie morbi habentur: Ita etiam, si putredo, aut quævis alia corruptio fuerit in humoribus (ut in febris putridis) alia putredini, tanquam causæ, alia autem caliditate febrili, tanquam morbo, conveniunt, ut Galenus docet.

L. II. meth.

65. Eadem est ratio putredinis illius, quæ cum intemperie solidas partes, aut viscera interdum occupat: ubi similiter putredo non sustinet rationem morbi, sed vel est causa continens & fovens morbum, vel certè ejus effectus & Symptoma. Sic, quod aliter merum inflammatum, nimirum refrigerando: & aliter sphacelo aut putredine jam corruptum, resecando scilicet, persanamus: id non vincit sphacelum aut putredinem totius esse substantiæ morbum: sed hoc tantum colligitur, (quod in controversia positum minimè est) aliter atq; aliter utriusq; generis vitia esse curanda.

66. Pariter ad malignos, pestilentes, & venenatos morbos, facilis est responsio: nimirum hoc tantum concludi, singulos morbos tantum suis contrarijs, at non indifferenter quibuslibet, propulsari. Quoniam enim tales morbi non simpliciter, è calido, frigido, humido, & sicco, sed ex occultis quibusdam, singularibus, & indivisibilibus qualitatibus (quæ ob id à tota substantia esse dicuntur) ortum habent: ideo etiam similibus duntaxat contrarijs, (nempe occultis, & experientiã solã cognitis qualitatibus: non verò simplici calido, frigido, humido, aut sicco) fugari possunt.

67. Quæ jam de ratione curandi morbos formæ cum putredine,



diximus: eadem suo modo, ad alteram istorum morborum differentiam (quæ morbos formæ, sine putredine existentes, ut spiritus innati dissolutionem, nativi caloris extinctionem &c. complectitur) accommodanda sunt. Nam & hi aliter quandoq; curantur, quam morbi manifesti: non tamen ob id totius substantiæ sunt morbi: sed ad temperamentum referri possunt, vel ad morborum causas atq; symptomata: vel sanè affectus complicati cum alijs affectibus, causis atq; symptomatis, existunt.

Ανακεφαλαίως

¶ 15.

68. Morbi igitur totius substantiæ dicuntur, vel quia sunt mirabiles, insolentes, & admodum tetrici, variamq; speciem exhibent: aut quia subito, non lentè & paulatim nos conficiunt: aut quia singularibus tantùm & appropriatis medicamentis curari solent. Verumtamen etiamsi cuncta hæc vera sint: non tamen inde efficitur, quòd substantiæ debeant morbi appellari: cùm illorũ omnium, ex ijs quæ hætenus diximus, rationes reddere possimus: adeò ut necesse non sit, ob eorum explicationem, philosophiæ fundamenta concutere, ipsamq; rei formam, quæ simplex & sincerum est principium, nescio quibus mutationibus, tanquã chamæleontem quendam, subijcere. Primum enim (ut suprâ docuimus) ob immutationem variorum partis accidentium, quæ ad formam non pertinent, evenit. Alterum interdum propter vehementiam, aut compositionem causæ moventis, contingit. Postremum propter curandi legem, à natura institutam, accidit: appropriata namq; medicamenta occultos depellunt morbos, quoniam toto his temperamento ad versantur. Et sic nulli prorsus formæ morbi existunt: quod hætenus nobis fuit demonstrandum.

F I N I S.